



Broj: 05-4203-8/19
Sarajevo, 17. 12. 2019. godine

Na osnovu člana 23. stav (1) tačka d) Zakona o Agenciji za bankarstvo Federacije BiH („Službene novine FBiH“, broj 75/17), člana 16. stav 1) tačka j) Statuta Agencije za bankarstvo FBiH („Službene novine FBiH“, broj 3/18), člana 64. stav (1) tačka b), člana 70. stav (1) Zakona o javnim nabavkama („Službeni glasnik BiH“, broj 39/14), a na osnovu preporuke Komisije za javne nabavke iz Zapisnika o ponovnom pregledu i ocjeni ponuda u postupku nabavke usluga, broj: 05-4203-5-1/19 od 17. 12. 2019. godine, direktor Agencije za bankarstvo FBiH donosi

ODLUKU

o izboru najpovoljnijeg ponuđača u postupku nabavke usluga

I.

Prihvata se preporuka Komisije za provođenje postupka javne nabavke usluga čišćenja poslovnih prostorija Agencije za bankarstvo Federacije BiH (u nastavku: ugovorni organ), putem otvorenog postupka nabavke, i okvirni sporazum za javnu nabavku predmetnih usluga dodjeljuje se društvu „Eurosana“ d.o.o. Mostar.

II.

Ukupna vrijednost okvirnog sporazuma iz člana I. ove odluke za period od jedne godine, bez uračunatog poreza na dodanu vrijednost (PDV-a), iznosi 80.996,00 KM.

III.

Po okončanju roka za žalbu, ugovorni organ će s izabranim ponuđačem zaključiti okvirni sporazum kojim će regulisati međusobna prava i obaveze.

IV.

U skladu s članom 70. stav (6) Zakona, ugovorni organ objavit će ovu odluku na svojoj internetskoj stranici www.fba.ba, istovremeno s upućivanjem iste ponuđačima koji su sudjelovali u ovom postupku.

V.

Ovom odlukom stavlja se van snage Odluka o poništenju postupka javne nabavke u otvorenom postupku, broj: 05-4203-6/19 od 05. 12. 2019. godine.

VI.

Ova odluka stupa na snagu danom donošenja i dostavlja se svim ponuđačima koji su sudjelovali u postupku javne nabavke, saglasno članu 71. stav (2) Zakona o javnim nabavkama.

OBRAZLOŽENJE

Odlukom o pokretanju postupka javne nabavke usluga čišćenja, broj: 05-4203/19 od 11. 11. 2019. godine, odobreno je provođenje postupka predmetne nabavke za potrebe ugovornog organa. Javna nabavka provedena je putem otvorenog postupka, a kriterij za dodjelu ugovora je najniža cijena tehnički zadovoljavajuće i prihvatljive ponude. U skladu s članom 35. Zakona o javnim nabavkama (u nastavku: Zakon), Obavještenje o nabavci, broj: 3010-1-2-358-3-49/19 od 15. 11. 2019. godine objavljeno je na Portalu javnih nabavki (ejn.gov.ba), a sažetak obavještenja objavljen je u Službenom glasniku, broj: 77/2019 od 22. 11. 2019. godine.

Procijenjena vrijednost javne nabavke utvrđena je u ukupnom iznosu od 81.000,00 KM bez PDV-a.

U skladu s odlukom ugovornog organa imenovana je Komisija za javne nabavke (u nastavku: komisija), kojom su definisane njene nadležnosti, koje uključuju poslove otvaranja, pregleda i ocjene ponuda, te davanje preporuke za odabir najpovoljnijeg ponuđača. Slijedom navedenog, komisija je u okviru svojih nadležnosti i ovlaštenja provela predmetni postupak nabavke, te o tome sačinila Zapisnik o zaprimanju ponuda u kojem je konstatovano da je po predmetnom postupku nabavke pravovremeno pristiglo 5 (pet) ponuda, od strane slijedećih ponuđača: „Eurosana“ d.o.o. Mostar, „Emms“ d.o.o. Jelah, „Ecotime“ d.o.o. Sarajevo, „Atalian Global Services“ d.o.o. Sarajevo i „GTS“ d.o.o. Sarajevo.

Na osnovu izvršene analize i ocjene prispjelih ponuda u pogledu kvalifikacijskih i cjenovnih uslova nadmetanja tj. u pogledu zadanih uslova i zahtjeva u tenderskoj dokumentaciji, komisija je dala preporuku direktoru ugovornog organa da donese odluku o poništenju predmetnog postupka, saglasno članu 69. stav (2) tačke d) Zakona, s obzirom da nijedna od primljenih ponuda ne zadovoljava u cijelosti tražene uslove nadmetanja, te je na osnovu preporuke donesena Odluka o poništenju postupka, broj: 05-4203-6/19 od 05. 12. 2019. godine (u nastavku: Odluka o poništenju).

Dana 17. 12. 2019. godine, u propisanom roku, ponuđač „Eurosana“ d.o.o. Mostar, izjavio je žalbu na Odluku o poništenju. Razmatrajući po žalbi ovog ponuđača, nakon što je u skladu s članovima 97. i 100. Zakona utvrđeno da je ista blagovremena, dopuštena i izjavljena od strane ovlaštene osobe, čime su ispunjene procesne pretpostavke za razmatranje iste. Shodno odredbi člana 100. stav (3) Zakona, utvrđeno je da je žalba ponuđača „Eurosana“ d.o.o. Mostar u cijelosti osnovana, te je odlučeno da se postojeća Odluka o poništenju stavi van snage.

Komisija je ponovno pristupila pregledu i ocjeni pristiglih ponuda u skladu s utvrđenom procedurom, saglasno članu 65. Zakona, te na osnovu izvršene analize istih u pogledu ispunjavanja zadanih uslova i zahtjeva iz tenderske dokumentacije, ustanovila da ponude ponuđača „Emms“ d.o.o. Jelah, „Ecotime“ d.o.o. Sarajevo i „Atalian Global Services BH“ d.o.o. Sarajevo i „GTS“ d.o.o. Sarajevo odbacuju se kao neprihvatljive.

- Ponuđači „Emms“ d.o.o. Jelah, „Ecotime“ d.o.o. Sarajevo i „Atalian Global Services BH“ d.o.o. Sarajevo nisu ispunili minimalne uslove za kvalifikaciju navedene u poglavlju III. (Uslovi za kvalifikaciju ponuđača), tačka 3. (Ekonomska i finansijska sposobnost – član 47. Zakona), iz razloga što isti na osnovu potvrda dostavljenih od strane pojedinih banaka, nisu dokazali da njihovi računi nisu bili blokirani u zadnjih 12 mjeseci od datuma objave obavještenja o nabavci, čime nisu ispunili u cijelosti sve zadane uslove iz tačke 1.3. tenderske dokumentacije – Ekonomska i finansijska sposobnost ponuđača, odnosno člana 47. Zakona;
- Ponuđač „GTS“ d.o.o. Sarajevo nije dostavio kopiju ponude, što je u suprotnosti s uslovima iz poglavlja IV. (Podaci o ponudi) tačka C (Način dostave ponude) TD, gdje je izričito navedeno da je ponudu potrebno dostaviti u jednom originalu i jednoj kopiji;



Ponuda ponuđača „Eurosana“ d.o.o. Mostar ocijenjena je kao prihvatljiva za ugovorni organ s obzirom na to da ispunjava u cijelosti sve zadane uslove i zahtjeve iz tenderske dokumentacije, pa je komisija u skladu s navedenim dala preporuku da se navedenom ponuđaču, saglasno članu 64. stav (1) tačka b) Zakona o javnim nabavkama, dodijeli ugovor za javnu nabavku predmetnih usluga.

Slijedom navedenog, odlučeno je kao u dispozitivu.

POUKA O PRAVNOM LIJEKU:

Protiv ove odluke može se izjaviti žalba Ugovornom organu – Agenciji za bankarstvo Federacije BiH, najkasnije u roku od 10 (deset) dana od dana prijema ove odluke, saglasno članu 97. i 101. Zakona. Žalba se izjavljuje Uredu za razmatranje žalbi/Kancelariji za razmatranje žalbi – Filijala/ Podružnica Mostar, putem Ugovornog organa, u pisanoj formi, direktno ili preporučenom poštanskom pošiljkom. Žalba se podnosi u najmanje 3 (tri) primjerka.


DIREKTOR
Jasmin Mahmuzić

Dostaviti:

- svim učesnicima u postupku
- a.a.

